

մայնքը ժամանակաւորապէս ազատել պարսկական տեղական իշխանութիւններին վճարուող հսկայական ու մաշեցնող հարկերից¹:

Սակայն յետագայ տասնամեակները իրենց հետ բերեցին նոր դժուարութիւններ, խռովուեց ներքին վանական կեանքը, համայնքը թաղուեց պարտքերի ու զանազան այլ խնդիրների մէջ: Բաւական անյաջող դասաւորուեց նաեւ տեղի հոգեւոր առաջնորդների ու Հոռմից յաճախակի ժամանող կաթողիկ միսիոներների յարաբերութիւնները: Վերջիններից շատ քչերին էր որ յաջողոււմ շահել տեղի հայոց համակրանքը²:

Այս բոլորը աստիճանաբար յանգեցրեց գաւառի կաթողիկ բնակչութեան թուի նօսրացման ու, ի վերջոյ, XVIII դարի կէսերից նաեւ համայնքի կենսագործունէութեան դադարեցման: Վերջնական հարուածը հասցրեցին թուրք-պարսկական շարունակական պատերազմական արշաւները միմեանց դէմ, որոնց մեծ մասը տեղի ունեցաւ Նախիջեւանի տարածքում: Եթէ դեռ XVII դարի կէսերին աղբիւրները Նախիջեւանում հաշոււմ էին 5-7000 հայ կաթողիկէներ ապա XVIII դարի սկզբին նրանց թիւն արդէն չէր անցնում մի քանի տասնեակից³:

1 Օգոստինոս Բաշենցի կեանքի եւ գործունէութեան մասին տե՛ս **Carlos Alonso**. *Angel Maria Cittadini*; ինչպէս նաեւ **Ambrosius Eszer**. *Ôgostinos Bajenc O.P. als Oberhirte von Naxijewan*, - «Archivum fratrum praedicatorum», vol. XLVII, Roma, 1977, SS. 183-246.

2 Այս մասին առաւել մանրամասն տե՛ս ստորեւ՝ գրքում: Նախիջեւանում, ինչպէս նաեւ ողջ Արեւելեան Հայաստանում, Հոռմի ծաւալած միսիոներական գործունէութեան մասին տե՛ս **Josef Metzler**. *Nicht erfüllte Hoffnungen in Persia*, - «Sacrae Congregatione de Propaganda Fide. Memoria rerum. 1622-1972», Vol. I/1, 1622-1700, Rom-Freiburg-Wien: Herder, 1971, S. 681-706; Այս մասին եղած գրականութեան բաւական համահաւաք ցանկերը տե՛ս «Bibliotheca missionum» - մատենագիտական ցանկերի ժողովածուներում (հատկապէս առաջին, չորրորդ եւ հինգերորդ հատորներում, հրատարակուած 1963-1964 թթ.)

3 Այսպիսի եզրակացութեան համար օգտագործուած են գիւղերի բնակչութեան վերաբերեալ վիճակագրական տեղեկութիւններով հարուստ մի քանի կարեւոր փաստաթղթեր: Դրանք են՝

1654 թ. - Անտոն Ապրակունեցու զեկոյցը (տե՛ս SC Armeni, vol. 1, f. 13-32, այս փաստաթղթի մէկ այլ պատճէն տե՛ս SOCG, vol. 292, f. 399-402; տե՛ս նաեւ այս փաստաթղթի համառօտում, բայց առաջիմ միակ հրատարակութիւնը արուած XVII դարում՝ **F. V. M. Fontana**. *Constitvtiones, declarationes et ordinationes capitvlorum generalivm S. Ordinis praedic. Ab anno MCCXX. Vsque ad MDCL*